

Zenica, 13.09.2017. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine F BiH", broj: 12/03, 34/03, 65/13), a u vezi sa odredbama Pravila JU "Centar za socijalni rad" Zenica (broj: 04/1-05-3-255 od 29.09.2014.godine i broj:04/1-05-3-56/15 od 04.02.2015.godine) i Pravila JU "Dom za stara lica" Zenica (broj: 01-002/08 od 23.06.2008.godin i broj:01-35-253/14 od 09.07.2014.godine), u postupku imenovanja upravnih odbora tih ustanova, Gradonačelnik Grada Zenica, objavljuje,

OGLAS

**za izbor i imenovanje upravnih odbora javnih ustanova
"Centar za socijalni rad" Zenica i "Dom za stara lica" Zenica**

Objavljuje se Oglas za imenovanje predsjednika i dva člana upravnih odbora javnih ustanova u Zenici kako slijedi:

1. JU "Centar za socijalni rad" Zenica i
2. JU „Dom za stara lica“ Zenica

U pravilu, jedan član UO se imenuje iz reda stručnih zaposlenika ustanova.

I OPIS POZICIJA

Upravni odbor:

- donosi Pravila Ustanove,
- imenuje i razrješava direktora,
- usmjerava, kontroliše i ocjenjuje rad direktora,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi opšte akte o unutrašnjoj organizaciji i sistematizaciji poslova i druge opšte akte, u skladu sa zakonom i Pravilima Ustanove,
- odlučuje o prigovoru radnika na rješenje kojim je drugi organ, određen Pravilima, odlučio o pravu, obavezi i odgovornosti radnika iz radnog odnosa,
- podnosi osnivaču najmanje jednom godišnje izvještaj o poslovanju Ustanove,
- odgovara osnivaču za rezultate rada Ustanove,
- rješava sva pitanja odnosa sa osnivačem,
- vrši i druge poslove u skladu sa Zakonom i Pravilima Ustanove.

Mandat predsjednika i članova upravnih odbora je četiri godine, uz mogućnost ponovnog imenovanja u skladu sa Zakonom.

Kandidati za upravne odbore ustanova moraju ispunjavati opće i posebne uslove.

Opći uslovi su:

- da je državljanin Bosne i Hercegovine,
- da nije stariji od 65 godina,
- da nije otpušten iz državne službe kao rezultat disciplinske mjere (bilo na nivou države i entiteta) u periodu od 3 godine prije dana objavljivanja upražnjene pozicije,
- da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ("Službene novine F BiH", broj 12/03, 34/03, 65/13),
- da nije član upravnog ili nadzornog odbora druge javne ustanove, zavoda ili privrednog društva sa većinskim državnim kapitalom, niti član odbora za reviziju,
- da nema privatni finansijski interes u ustanovi,
- da nije osuđivan za krivično djelo i za prekršaj nespojiv s dužnošću u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- da nije lice kojem je pravosnažnom presudom suda zabranjeno obavljanje aktivnosti u nadležnoj instituciji u kojoj se kandiduje.

Posebni uslovi su:

- VSS - završen VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja koji se vrednuje sa 240 ECTS bodova-fakultet društvenog smjera
- pet godina radnog iskustva u struci i spremi,
- uživanje ugleda u lokalnoj zajednici,
- sposobnost nepristrasnog donošenja odluka,
- rezultati rada ostvareni tokom poslovne karijere.

Potrebni dokumenti:

Prijave kandidata treba da sadrže kraću biografiju, adresu stana i kontakt telefon.

Uz prijavu treba dostaviti:

- uvjerenje o državljanstvu (ne starije od 6 mjeseci ili ovjerena kopija lične karte),
- dokaz o školskoj spremi,
- dokaz o radnom iskustvu,
- izjavu o činjenicama nabrajanim u alinejama 3. do 9. općih uslova iz Oglasa.

Dokumenti koji se prilažu uz prijavu moraju biti originalni ili ovjerene kopije.

Oglas za podnošenje prijava ostaje otvoren 15 dana od dana objavljivanja.

Posljednji dan podnošenja prijava računa se prema datumu objave u glasilu koje posljednje bude objavilo ovaj oglas.

Oglas će se objaviti u: "Službenim novinama Federacije BiH", dnevnom listu "Dnevnik avaz" i na web stranici Grada: www.zenica.ba.

Prijave sa potrebnom dokumentacijom treba dostaviti lično na protokol Grada ili preporučeno poštom sa naznakom:

«PRIJAVA NA OGLAS — NE OTVARATI»
GRAD ZENICA
Služba kabineta Gradonačelnika
- Komisija za izbor -
72000 Zenica, Trg BiH broj 6.